

BUXGALTERIYA BALANSINI TUZISH SANASIDAN KEYIN XO‘JALIK FAOLIYATIDA YUZ BERADIGAN HODISALAR

18. Buxgalteriya balansini tuzish sanasi bilan moliyaviy hisobotlarni e’lon qilish uchun tasdiqlash sanasi o’rtasida yuz beradigan hodisalar aktivlarga va majburiyatlarga tuzatishlar kiritish zaruratini yoxud ularni yoritish zaruratini ko’rsatishi mumkin.

19. Aktivlar va passivlar balansini tuzish sanasidan keyin xo‘jalik faoliyatida yuz bergan, uzluksizlik tamoyili barcha sub’yektga yoki uning bir qismiga nisbatan oqlanmaganligini, ya’ni sub’yekt bankrot bo‘lganligini ko’rsatuvchi hodisalar bo‘yicha tuzatilishi kerak.

20. Aktivlar va majburiyatlar bo‘yicha tuzatishlar balansni tuzish sanasidan keyin yuz bergan, balansni tuzish sanasida miqdorlarni aniqlash uchun qo‘shimcha axborotni ta’minlaydigan hodisalar bo‘yicha zarurdir. Masalan, balansni tuzish sanasidan keyin yuz bergan mijozning bankrotligini tasdiqlaydigan qarz bo‘yicha zararlarga tuzatish kiritish mumkin; buxgalteriya balansini tuzish sanasidan keyin yong‘in natijasida asosiy ishlab chiqarish binosi buzilishi yoki boshqa katta korxonani sotib olish tufayli asosiy vositalarning balans qiymatiga tuzatishlar kiritish.

21. Buxgalteriya balansini tuzish sanasidan keyin yuz bergan xo‘jalik faoliyatidagi voqealar shuni ko’rsatishi mumkinki, butun sub’yekt yoki uning bir qismi ishlab chiqarishning uzluksizligi tamoyiliga mos kelmasligini. Xo‘jalik yurituvchi sub’yektning balansi moliyaviy holatni tashxis qilish natijasida moliyaviy holat

yomonlashganligini, ya'ni noqobillikni ko'rsatadi, bunda moliyaviy hisobotni e'lon qilish uchun tasdiqlashda uzluksizlik tamoyilidan foydalanish masalasi ko'rib chiqiladi.

22. Agar balansni tuzish sanasidan keyin yuz bergan hodisalar moliyaviy hisobotni tuzish sanasida aktivlar va passivlarning holatiga ta'sir o'tkazmagan bo'lsa, biroq ular shu qadar muhimki, bunday axborotni oshkor qilmaslik moliyaviy hisobotlardan foydalanuvchilarning qarorlarini tahlil etish va qabul qilishga ta'sir etishi mumkin bo'lsa, u holda ana shu hodisalarning mohiyati moliyaviy hisobotga tushuntirish xatida yoritib beriladi.

23. Kutilmagan holatlar soliqqa tortishning moliyaviy ahvoliga hamda davrga taalluqli bo'lgan, moliyaviy hisobotda aks ettirilgan va balansni tuzish sanasidan keyin taklif etilgan va e'lon qilingan dividendlarga ta'sir o'tkazgan taqdirda, moliyaviy hisobotlar tasdiqlangunigacha tuzatishlar kiritish yoxud ochib berilishi kerak.